

# UMS, IDS kerjasama kaji gaya politik belia Undi-18 di Sabah

UB 29.03.2024 P.06

**KOTA KINABALU:** Universiti Malaysia Sabah (UMS) terus mengembangkan peranan sebagai pusat kajian ilmu dengan memeterai perjanjian penyelidikan (RA) bersama Institute of Development Studies (IDS) Sabah.

Menurut Timbalan Naib Canselor (Penyelidikan dan Inovasi) UMS, Profesor Ir. Dr. Rosalam Sarbatly, RA itu melibatkan penyelidikan bertajuk 'Kajian Dinamika, Persepsi dan Aspirasi Politik Belia Undi-18 Sabah' yang akan dijalankan oleh penyelidikan Pusat Penataran Ilmu dan Bahasa (PPIB) bersama Fakulti Sains Sosial dan Kemanusiaan (FSSK) UMS.

Katanya, penyelidikan yang dibiaya oleh IDS itu akan meneroka, mengenal pasti dan memahami dinamika, persepsi dan aspirasi politik yang cenderung mempengaruhi trend, corak dan pola pengundian belia 'UNDI18'

di Sabah.

"Keadaan ini berikutan pindaan dalam Perlembagaan Persekutuan Malaysia pada 16 Julai 2019 yang mengangkat "Undi18"

"Ia kempen pemerksaan amalan demokrasi melalui keterangkuman penglibatan politik dalam kalangan belia telah berjaya melayakkan belia berumur 18 tahun ke atas untuk mengundi dan menjadi calon dalam pilihan raya.

"Pindaan terbabit membawa kepada penurunan umur hak mengundi sekali gus mencek pelbagai pandangan dan persoalan tentang dinamika, persepsi dan aspirasi politik.

"Ia mempengaruhi kecenderungan, kiblat, pilihan dan keputusan politik yang bakal mewarnai trend serta pola pengundian golongan ini.

"Oleh itu, kajian ini dicadangkan akan menilai trend terkini sekali gus membantu IDS se-



**METERAI:** Rosalam (dua kiri) dan Richard bertukar dokumen perjanjian penyelidikan yang berlangsung di Galeri Majlis Bangunan Canselori UMS pada Rabu.

laku think tanker Kerajaan Negeri Sabah menelusuri aspek-aspek ini kelak berdasarkan data yang diperoleh di bahagian Pantai Barat, Kudat, Sandakan, Tawau dan pedalaman negeri Sabah," katanya.

Sementara itu, Ketua Pegawai Penyelidik IDS, Richard T. Koh berkata kerjasama

pihaknya dengan UMS memberi manfaat besar kepada pembangunan negeri Sabah.

Katanya, sebagai badan pemikir negeri, IDS berazam memastikan dasar-dasar yang dibentuk mengambil kira kepentingan terbaik negeri serta komuniti dan ekonomi rakyat.

"Kerjasama kukuh antara IDS dan UMS telah membawa kejayaan yang signifikan dalam penyelidikan dan pembangunan di Sabah. Kedua-dua entiti ini berkongsi komitmen yang sama dalam memajukan ilmu pengetahuan dan memberikan impak positif kepada masyarakat Sabah.